

麻坡中化獨立中學籌建大禮堂及體育館募捐宣言

本校自罷辦獨立中學以來，對於各項設施，更知力求完善，不敢稍忝社會各界人士之寄望，更不敢辜負政府尊重各民族教育之美意。深知欲為民族保留優秀文化，欲為國家栽培有用人材，並非因陋就簡所能達其目的。本校遠自十五年前，即已興建新式校舍於丹絨，耗資不下一百萬，舉凡教室、宿舍、餐廳、辦公室、圖書館、美術室、音樂室、生物室、化學室、物理室、羽球場、籃球場、足球場等，現代中學必需之設備，早已逐項完成。遂使莘莘學子，得以朝夕絃歌於其間，被推為柔北最高學府。

然而，當此世界文化爭奇鬥勝之秋，我馬來西亞為東南亞新興之邦，對於為國養士之教育事業，豈可自滿自足而不求其更臻於理想之境乎？

茲據觀察所及，現代化之大禮堂及體育館，尚付闕如，誠有美中不足之處。願自政府撤消對獨立中學津貼以後，本校一切經常費用，全須自行籌劃，倘若更欲大興土木，深感負擔繁重；然而事關百年樹人大計，縱或滿途荆棘，斷不容知難而退。

回顧本校五十餘年來由一簡陋茅舍，賴諸先賢之慘澹經營，社會熱心教育人士之協力支助，而成今日之巍峨費宮，雄視南馬；則對此興建大禮堂與體育館之舉，苟能羣策羣力，見義勇為，何難聿觀厥成乎？

現據工程師估計，全部建築費用約需二十萬元，似此龐大數目，即宜分頭籌措，雖年前曾因此事募得捐款十萬元左右，然而不敷之額，尚在半數之間。深盼社會熱心華教諸公，暨本校董事、教師、校友、學生等，本過去出錢出力，為國育才之精神，多予襄助，使此新廈早日建成，則不獨本校之設備從茲克臻完美，諸君之豐功偉績永垂不朽，且使諸君之子弟有較佳之求學環境，後代子孫，亦咸沾其澤於無窮矣。 謹此宣言

麻坡中化建校委員會 啓

一九六六年六月一日